

2. gr.

Reglugerð þessi öðlast þegar gildi.

112

12. ágúst

Reglugerð þessi er hér með sett samkvæmt lögum nr. 23 16. júní 1941, og birtist til eftirbreytni öllum þeim, sem hlut eiga að máli.

Í dómsmálaráðuneytinu, 12. ágúst 1949.

Bjarni Benediktsson.

Sigurgeir Jónsson.

REGLUGERÐ

113

16. ágúst

um hvalveiðar.

1. gr.

Óheimilt er að veiða:

- Sléttbaka, nema þegar nota skal aflann eingöngu til manneldis á Íslandi.
- Hvalkálfa, hvali á spena og kvenhvali, sem kálfar eða hvalir á spena fylgja.
- Steypireyðar innan við 70 fet (21.3 m), langreyðar innan við 55 fet (16.8 m), sandreyðar innan við 40 fet (12.2), hnúfubaka innan við 40 fet (10.7 m) og búrhvali innan við 35 fet (10.7 m). Þó má veiða steypireyðar yfir 65 fet (19.8 m), langreyðar yfir 50 fet (15.2 m) og sandreyðar yfir 35 fet (10.7 m) fyrir íslenzkar landstöðvar, enda sé hvalkjötið þá notað til manneldis eða skepnufóðurs á Íslandi.

2. gr.

Óheimilt er að nota móðurskip eða bát í sambandi við það til veiða eða vinnslu á skiðishvölum:

- Á svæðinu norðan við 66° norðlægrar breiddar; þó skal það bann eigi ná til svæðisins frá 66° til 72° norðlægrar breiddar, frá 150° austlægrar lengdar austur til 140° vestlægrar lengdar.
- Á Atlantshafi og þeim hafsvæðum, sem að því liggja norðan við 40° norðlægrar breiddar.
- Í Kyrrahafinu og þeim hafsvæðum, sem að því liggja, austan við 150° vestlægrar lengdar milli 40° suðlægrar breiddar og 35° norðlægrar breiddar.
- Á Kyrrahafi og hafsvæðum, sem að því liggja, vestan við 150° vestlægrar lengdar milli 40° suðlægrar breiddar og 20° norðlægrar breiddar.
- Í Indverska hafinu og hafsvæðum, sem að því liggja, norðan við 40° suðlægrar breiddar

3. gr.

Óheimilt er að nota móðurskip eða bát í sambandi við það til veiða eða vinnslu á skiðishvölum á svæðinu sunnan við 40° suðlægrar breiddar frá 70° vestlægrar lengdar vestur að 160° vestlægrar lengdar.

4. gr.

Óheimilt er að nota móðurskip eða bát í sambandi við það til veiða eða vinnslu á hnúfubak á svæðum sunnan við 40° suðlægrar breiddar.

5. gr.

- Óheimilt er að nota móðurskip eða bát í sambandi við það til veiða eða vinnslu á skiðishvölum á svæðinu sunnan við 40° suðlægrar lengdar, nema á tímabilinu 15. desember til 1. apríl ár hvert, að háðum dögum meðtöldum.

- 113** b. Þrátt fyrir ákvæði a-liðs þessarar greinar, skal heimil vinnsla á hvölum, sem
16. ágúst veiddir eru á leyfðu tímabili, enda þótt því tímabili sé lokið.

6. gr.

Hámark veiðimagns á svæðinu sunnan við 40° suðlægrar breiddar skal ákveðið í samráði við atvinnumálaráðuneytið.

7. gr.

Óheimilt er að nota landstöð eða veiðiskip í sambandi við hana til veiða eða vinnslu á skíðishvölum, lengur en 6 mánuði á ári, og skal notkunin vera samfleytt.

8. gr.

Óheimilt er að nota móðurskip, sem notað hefur verið á veiðitímabili sunnan 40° suðlægrar breiddar, til vinnslu á skíðishvölum á öðru svæði í sama skyni innan eins árs frá lokum þess tímabils.

9. gr.

Veiddan hval skal afhenda landstöð eða móðurskipi og skal unnið úr aflanum til fullnustu með suðu eða á annan hátt.

Ákvæði þetta nær þó ekki til innyfla, sem tekin eru úr hvölum á hafi úti, og heldur ekki til kjöts af búrhvölum, en fullnægjandi ráðstafanir skulu gerðar til þess að kjöt þetta valdi ekki óþrifum.

10. gr.

Skipstjóri eða umráðamaður móðurskips skal sjá um, að hvalveiðum fyrir móðurskip sé hagað með þeim takmörkunum, að enginn veiddur hvalur verði í sjó lengur en 33 klukkustundir, frá því að hvalur var drepinn, þangað til hann er tekinn til vinnslu um borð í móðurskipið. Allir hvalbátar skipsins skulu tilkynna því frá talstöð, þegar hvalur er veiddur.

11. gr.

Hvalskyttur og starfslið móðurskipa, landstöðva og hvalbáta skulu ráðnir þannig, að laun þeirra séu að verulegu leyti miðuð við tegund, stærð og afurðir veiddra hvala, en ekki aðeins við tölu veiddra hvala. Enga aukabókun eða önnur laun má greiða skyttum eða áhöfnum hvalbáta vegna veiði hvala með mjólk eða kálf á spena. Afhenda skal atvinnumálaráðuneytinu yfirlit yfir allar launagreiðslur og grundvöll þeirra, þegar þess er óskað.

12. gr.

Móðurskip og landstöðvar skulu halda dagbók yfir veiðarnar. Skulu innfærslur allar vera greinilegar og má eigi strika út eða gera ólæsilegt það sem innfært hefur verið. Dagbók skal hafa tölusettar blaðsíður og vera gegnumdregin og löggilt af atvinnumálaráðuneytinu.

13. gr.

Í dagbók skal greina eftirfarandi:

- a. Tölu og tegund veiddra hvala og misstra og þeirra, sem unnið er úr.
- b. Veiðistað.
- c. Kynferði og stærð veiddra hvala. Hval skal mæla á láréttum fleti svo nákvæmlega sem hægt er með stálmælibaldi, er fest sé á hvasst tæki, sem stinga má í gólf við annan enda hvalsins. Þenja skal bandið eftir beinni línu meðfram hvalnum til hins endans. Endar hvals við mælingu skulu taldir oddur efri kjálka og sporðrauf. Lengd hvals skal miða við heilt fet, þ. e. hvalur sem mælist milli 76.6 fet og 77.6 fet skal talinn 77 fet. Ef mæling stendur á hálfu feti skal lengd

miðuð við næsta heila fet á eftir, t. d. 76.6 fet skal tákna 77 fet. Þá skal og greina stærð fósturs, ef það er fyrir hendi.

- d. Heildarmagn lýsis eftir flokkum, mjöls, áburðar (guano) og annarra afurða.
e. Upplýsingar varðandi hvalagöngur og fæðingarstaði.

14. gr.

Afhenda skal atvinnumálaráðuneytinu dagbókina við lok hvers veiðitímabils.

15. gr.

Hvert móðurskip og hver landstöð skal greiða 3000 króna árgjald í rikissjóð og auk þess 1000 krónur fyrir hvert hvalveiðiskip.

Enn fremur skal hver hvalveiðaleyfishafi greiða öll opinber gjöld og tolla, samkvæmt gildandi lögum á hverjum tíma.

16. gr.

Atvinnumálaráðherra skipar eftirlitsmann með hverju móðurskipi og hverri landstöð og ákveður þóknun hans, er greiðist úr rikissjóði.

Atvinnumálaráðherra kveður nánar á um starf þessa eftirlitsmanns.

17. gr.

Eintak af lögum nr. 26/1949, um hvalveiðar og reglugerð þessari skulu höfð til sýnis á áberandi stað þar sem hvalveiðar eða vinnsla er stunduð.

18. gr.

Brot gegn reglugerð þessari varða sektum samkvæmt lögum nr. 26/1949, um hvalveiðar.

Reglugerð þessi er sett samkvæmt lögum nr. 26/1949 til að öðlast gildi þegar í stað.

Atvinnumálaráðuneytið, 16. ágúst 1949.

Jóhann Þ. Jósefsson.

Gunnl. E. Briem.

REGLUGERÐ

fyrir bændaskólana að Hólum og Hvanneyri og fyrir framhaldsnám í búfræði að Hvanneyri.

I. Tilgangur skólanna og námstími.

1. gr.

Tilgangur bændaskólanna er að veita bændaeftum hagnýta þekkingu í búnaði.

2. gr.

Skólarnir starfa í tveimur deildum, yngri og eldri deild. Þá skal setja 15. október ár hvert. Námstíminn er þrjú misseri, tveir vetur og eitt sumar. Eigi skal segja skólanum upp síðar en 30. apríl. Jólaleyfi skal vera frá 22. desember til 4. janúar, að háðum dögum meðtöldum. Kennsla fer ekki fram 1. desember. Auk þess getur skólastjóri felld niður kennslu allt að einum degi í senn, þegar sérstaklega stendur á.